

Broj:01- 02/2-1499/24 SK
Sarajevo, 01.07.2024. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM**
n/r gđin Ivan Miličević, sekretar
n/r gđin Almedin Aliefendić, zastupnik

Bosna i Hercegovine
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 04-07-2024			
Org. jed.	Broj	Priloga	Vrijednost
05/1-	02-	336	24

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE**
n/r gđa. Edita Kalajdžić, sekretar

Predmet: Odgovor na zastupničko pitanje, **dostavlja se-**

Veza: Akt sekretara Predstavničkog doma Parlamenta Federacije Bosne i Hercegovine, broj: 05/1-02-336/24 od 03.06.2024. godine i akt sekretara Vlade Federacije Bosne i Hercegovine, broj: 03-04-1037-18/24 od 05.06.2024. godine

Poštovani,

U vezi sa zastupničkim pitanjem koje je, na 11. redovnoj sjednici Predstavničkog doma Parlamenta Federacije BiH održanoj 28.05.2024. godine, postavio zastupnik Almedin Aliefendić, koje glasi: „Na osnovu jedinstvenog stava Saveza udruženja penzionera Federacije BiH jednoglasno od svih prisutnih na redovnoj, nedavno održanoj Skupštini doneseni su sljedeći zaključci:

Povećanje penzija za 10% počevši od decembra 2023. godine, do sada je isplaćeno 6,55% povećanja što znači da preostaje još 3,5% koje Savez traži da bude isplaćeno. Drugi zahtjev je bio jednokratna pomoć u iznosu od 200 KM za penzionere čije su penzije do 1000 KM, te 100 KM za one čije su penzije više od 1000 KM. Molim vas da se očitujete na ove zahtjeve i donesete odgovarajuće odluke u što kraćem roku imajući u vidu težak položaj penzionera i potrebu za hitnom podrškom.

Svjedočimo teškoj socio-ekonomskoj situaciji sa izraženim inflatornim kretanjem koja posebno pogađa ovu penzionersku populaciju. Očekujem od Vlade više senzibiliteta i iznalaženje dodatnih sredstava za penzionere. Obzirom da je Savez udruženja penzionera najavio i proteste nadam se da će Vlada Federacije BiH odlučiti se za kompromis i dogovor, a da rješenje ovog pitanja ne tražimo na ulici“ na postavljeno zastupničko pitanje dajemo sljedeći odgovor iz okvira nadležnosti Federalnog ministarstva rada i socijalne politike:

Zahtjev za povećanje penzija za 10% počevši od decembra 2023. godine, nije pravno i faktički moguće realizovati. Preduslov za realizaciju povećanja penzija jeste izmjena

Zakona o penzijskom i invalidskom osiguranju, a koja nije planirana Planom Vlade Federacije BiH i Parlamenta Federacije BiH.

S tim u vezi, u više navrata održani su sastanci kolegija Vlade Federacije BiH sa udruženjima penzionera na nivou Federacije BiH na kojim su predstavnicima udruženja penzionera prezentovane finansijske posljedice povećanja penzija od 10%, te je ukazano na odgovarajuće smetnje u realizaciji predmetnog zahtjeva.

Na posljednjem sastanku predstavnika udruženja penzionera sa Vladom Federacije BiH, zaključeno je da je riječ o vrlo složenim pitanjima na čijoj realizaciji će se zajednički sa predstavnicima udruženja penzionera iznalaziti rješenja za predmetna pitanja.

Kada je u pitanju jednokratna pomoć penzionerima, ističemo da u ovom momentu ne postoji finansijska mogućnost za realizaciju tražene pomoći. S tim u vezi, ističemo da Federalni zavod za penzijsko i invalidsko osiguranje funkcionira na trezorskom načinu poslovanja, te je finansijski plan Federalnog zavoda za penzijsko i invalidsko osiguranje sastavni dio Budžeta Federacije Bosne i Hercegovine. U okviru federalnog budžeta kao pretpostavka za isplatu jednokratne pomoći, jeste postojanje stavki za tu namjenu, a kako iste ne postoje, potrebno je uraditi rebalans Budžeta Federacije BiH, kojim bi se osigurala sredstva za tu namjenu.

Dakle, jednokratna pomoć penzionerima biti će planirana rebalansom budžeta, a iznos pomoći će se utvrditi kada bude poznato više informacija o ukupnoj finansijskoj situaciji u budžetu Federacije BiH.

S poštovanjem,



Dostavljeno:

- Naslovu
- a/a